

Arkiv: <arkivID><jplD> FE-223, FA-U01
JournalpostID:
Sakshandsamar:
Dato: 19.04.2023

Saksframlegg

Saksnr.	Utval	Møtedato
023/23	Utval for næringsutvikling og drift	07.06.2023

Søknad til Næringsfondet - Green Garden Café As - Søknad om støtte til effektivisering og bærekraftig videre drift av nyetablert kafe i Knarvik senter

Kommunedirektøren sitt framlegg til vedtak:

Prosjekt Søknad om støtte til effektivisering og bærekraftig videre drift av nyetablert kafé i Knarvik senter vert tildelt kroner 20 000 frå næringsfondet i Alver kommune.

Utval for næringsutvikling og drift 07.06.2023:

Handsaming:

Utvalet vedtok samrøystes kommunedirektøren sitt framlegg til vedtak.

ND- 023/23 Vedtak:

Prosjekt Søknad om støtte til effektivisering og bærekraftig videre drift av nyetablert kafé i Knarvik senter vert tildelt kroner 20 000 frå næringsfondet i Alver kommune.

Politisk handsaming

Saka skal avgjerast i utval for næringsutvikling og drift.

Bakgrunn:

Green Garden Café AS er eit aksjeselskap. Bransje: 56.101 Drift av restaurant og kafe. Registrert 15.06.2022. Kjelde: Proff.no

Saksopplysningar:

Green Garden Café AS er ein kafé i Knarvik senter med fokus på lokale verdiar som lokal mat, lokal kunst og lokale musikarar, samt vere ein lokal møteplass. Bedrifta vart etablert sommaren 2022 og har to tilsette på fulltid og sju tilsette på deltid. Selskapet har visjon om å tilby sunn og berekraftig mat, samt ein hyggeleg og avslappande atmosfære for kundane.

Om prosjektet:

Green Garden Café vil no gjennomføre eit prosjekt for å skape ei berekraftig utvikling og vekst i verksemda og har definert fire områder dei vil satse på for å få til ei slik utvikling.

1. Samskaping: Green Garden Café ønskjer å legge til rette for lokale aktørar innan kunst og kultur og tilby lokale kunstnarar og musikarar å vise fram kunst og spele musikk i kafélokala. I tillegg ønskjer kafeen å ha ulike tema som «strikkekafé» og «fedre i farspermisjon» på dagsorden.

2. Konseptutvikling: Selskapet ønskjer å drive kaféen effektivt og miljøvennleg og tilby innbyggjarar i Knarvik ein plass å kjøpe kortreist og allergivennleg mat.

Selskapet vil utvikle eit kortreist matkonsept ved å bruke råvarer frå lokale produsentar i produktutval, og

vidareutvikle og utvide menyen med fleire allergivennlege, vegetariske og veganske alternativ. Bedrifta har sett at det har vore freistande for kundar å reise til Åsane der ein har funne dette tilbodet tidlegare, men ønskjer no å tilby dette lokalt. Vidare vil ein tilby hylleplass for lokale matprodusentar slik at kundar kan kjøpe lokalmatprodukt i kaféen. I denne samanhengen er Smaken av Nordhordland eit interessant nettverk. Selskapet ønskjer også å investere i meir berekraftig emballasje og redusere plastforbruk. Green Garden Cafe får bistand frå Klar Bedrift til vidareutvikling av konseptet.

3. Synleg: Green Garden Cafe ønskjer å bli meir synleg gjennom profilering av selskapet sin bodskap og berekraftige visjon på fasade, i lokale, på menyar og salsdisk, i tillegg til ein tydelegare profil og merkevare på sosiale kanalar.

4. Effektivisering: Selskapet må investere i ei meir effektiv og miljømessig oppvaskmaskin som tilfredsstiller bransjens standard. Dette vil frigjere ressursbruk, redusere vatn- og straumforbruk og effektivisere drifta.

Prosjektleveranse/Målsetting

Utviklingsprosjektet vil medføre at bedrifta kan utvikle seg vidare, og vidareutvikling av konsept og utviding av meny vil kunne tiltrekke fleire kundar og ein større og breiare kundemasse. Dette kan gi auka sal og omsetning for bedrifta.

Bruk av lokale råvarer i menyen vil bygge relasjonar med lokale leverandørar og kunne gi Green Garden Cafe ein konkurransefordel ved at ein skil seg ut frå andre kaféar i området med unike og autentiske rettar. Eit lokalt tilbod kan redusere klimaavtrykket og redusere handelslekkasje. Investering i meir berekraftig emballasje og produkt vil kunne tiltrekke seg meir bevisste kundar og redusere kostnader på lang sikt.

Prosjektøkonomi:

Prosjektnamn	Prosjektkostnad	Søknadssum	Framlegg
Søknad om støtte til effektivisering og bærekraftig vidare drift at nyetablert kafe i Knarvik senter	90 000	45 000	20 000

Vurderingsgrunnlag

Vurderinga tar utgangspunkt i Fondsvedtektene for Næringsfondet og vert vurdert ut frå føremål og målsetting. Det vert gjort ei heilskapleg vurdering ut frå prosjektet sitt bidrag til entreprenørskap og auka sysselsetting i kommunen.

Søknaden viser til at Green Garden Café ønskjer å gjennomføre eit utviklingsprosjekt og gjeld i hovudsak støtte til investering kompetansehevande tiltak, konseptutvikling, nytt utstyr og tiltak for å gjere verksemda meir synleg.

Med nytt konsept, utvida meny og auka synlegheit ønskjer selskapet å skape auka omsetning og kompetanseutvikling i eigen verksemd vil gi verdifull erfaring for vidare utvikling av verksemda. Dette kan bidra til arbeidsplassutvikling i verksemda og slik stimulere til ei berekraftig næringsutvikling.

Vurdering:

Alver kommune ser positivt på utviklingsprosjektet Green Garden Cafe viser til for å synleggjere produkta, skape auka omsetning og vidare utvikling og vekst i verksemda.

Etter ei vurdering samla sett er prosjektsøknaden i samsvar med næringsfondet sine vilkår ved at det viser til tiltak som stimulerer til kompetanseutvikling og berekraftig næringsutvikling i Alver kommune.

Vedlegg i saken:

31.05.2023	Green Garden Cafe AS søknad 18.04.23	1935264
31.05.2023	Green Garden vedlegg 1	1935265